

Siiraa-Lakk.2

Description

Jaarrraa 6ffaa keessaa haala Amantii Addunyaa

Kutaa darbe irraa itti fufuun haala amanti addunyaa jaarrraa 6ffaa keessa ture ilaalla. Jaarrraa kana keessa amantiwwan gurguddoo fi kitaabban durii ilmaan namaa dukkana keessa ni baasan jedhamanii yaaddaman, namoota fafee fi munaafiqotaaf taphaa fi baacoo taâ€™e jira. Biiftuun Islaama guddoon dhooyun dura dhalli namaa marsaa seenaa keessatti marsaa sadarkaa gadi aanaa keessa jiraataa turan. Dhimmoota amantii, diinagdee, siyaasaa, hawaasummaa fi jirenyaa isaanii guutuu keessatti jeequmsa guddaan rakkachaa turan. Wallaalummaan amantii fi yaada isaanii kan tooâ€™ateedha. Doofummaan, fedhiin qullaan, akka fedhan taâ€™uun, badiin, of-tuuluu fi cunqursaan amaloota jaahiliyyah (wallaalummaa) ifa bahanii fi addunyaa namoota tooâ€™atan taâ€™anii jiru.

Amantiwwan samii irraa buâ€™an jirenya namoota keessatti buâ€™aa fi dhiibbaa homaatu kan hin finne taâ€™aniiru. Sababni isaas, kitaabban samii buâ€™an kanniin keessa micciruu fi jijiran argame jira. Namoonni fedhii ofiitiin wanta kitaaba keessa hin jirre itti dabaluun ykn irraa hirâ€™isuun kitaabicha jijiran. Amantiwwan yeroo san babalâ€™atanii fi sababa addaatin gatii dhabuun ilmi namaa dukkana keessa akka turuuf sababa taâ€™an mee muraasa isaanii haa ilaallu:

1-Yahuudaa- Amantiin yahuudaa kuufama waaqefanna fi akkeessaa malee lubbuu tan hin qabne taate jirti. Amanti sanyii malee wanta biraati miti. Addunyaaf ergaa guutuu baadhachuu, sabootaaf waamicha gochuu fi dhala namaatiif mararfannaan ishii keessa hin jiru. Amanti tana sababa ummata yahuudan ittiin olloomtee fi bulchiinsa jala turteen dhiibbaan guddaan irra gahe jira. Yahudoonni ummata ollaa kana irraa aadaa fi akkeessaa wallaalummaa isaanii fudhachuun amanti ofiitti makan. Barreessitoonni seenaa Yahuuda waaâ€™ee kana ni amanu. Galmees hiikkaa Yahuudaa (Jewish Encyclopedia) keessatti wanta akkana jedhu dhufe jira: â€œTaabota waaqefachuu irratti nabiyoonni dallanuu fi dheekkamuun, taabota waaqefachuun nafsee Israaâ€™elota keessatti akka lixe agarsiisa. Amantii dhugaa irratti hin hundoofnee fi shirkii ni fudhatan. [Kitaabni Yahuudaa] Talmudis yahuudan taabota gabbaruutti maxxanuu isaanii ragaa baha.â€• (Jewish Encyclopedia, Vol.XII, Page 568-69)[\[1\]](#)

Nabii Muhammad (SAW) ergamuun dura amantiin yahuuda sadarka gadi aanaa irra gahee jira. Kitaabban samii buâ€™an kan yahuudan harka qabduu garmalee micciramanii fi jijiramnii jiru. Sababa kanaan, waaâ€™ee Rabbii ilaachise yaada sobaa of keessaa qabu.

2-Kiristaanummaa- Kiristaanummaanis yeroo jalqabaa irraa kaasee micciruu warroota daangaa darbaniin, hiikkaa wallaaltotaatiini fi Roomanota taabota waaqefataniin qoramte. Micciruun, jijiramni fi hiiknii badaan Kiristaanummaa keessatti argame tuulaa guddaa barsiisni Iisaa (aleyh salaam) jalatti awwaalamee taâ€™ee jira. Rabbiin tokkichoomsu fi hojii Isaaf qulqulleessuun duumessa gurraacha furdaa kana duubatti dhokatee jira.

Gochoonni shirkii baayâ€™een Kiristaanumma keessatti argamanii jiru. A°saan keessaa adda dureen silaasen qajeelcha buâ€™uuraa Kiristaana taâ€™ee jira. Iyyasuus (nageenyi isarratti haa jiraatu) namoota gara Rabbii Tokkicha gabbaruutti waamaa ture. Garuu waqa baayâ€™ee waaqefachuun (polytheism) namoota inni itti ergame keessatti kan lixe fi hidda qabatedha. Kanarraa kan kaâ€™e, Iyyasuusin booda amantiin waqa baayâ€™ee waaqefachuu maqaa kiristaanummaatin babalâ€™ate jira. Namni Kiristaanaa tokko lubbuun isaa yoo wareegame, namoonni biroo nama kanaaf amala waqaan kenuuf, siidaas isaaf ni dhaabu. Namoonni isaan qiddaase jedhaniin Kiristaanotaa fi Gooftaa jidduutti akka araarsitootatti ilaallamu.

Barreessan Kiristaanaa tokko waaâ€™ee silaasee ilaalchiseeakkana jechuun dubbata:â€•Dhuma jaarraa afraffaa irraa jalqabee amantiin silaase addunyaa Kiristaanaa fi yaada namoota keessatti kan gadi lixee fi akka amantii waligalaa taâ€™uun itti fufe. Akkaataa amantiin silaase kuni itti dhufee fi guddatee hanga walakkaa jaarraa kudha saglafkaatti malee hin beekkamu ture. (Kana jechuun Kiristaanumma keessatti amantiin gooftaan sadii garuu tokko ykn silaase jedhamu akkaata itti jalqabamee fi guddatee hin beekkamu ture. Iccitiin isaa beekkamu fi ifa bahuu kan jalqabe walakkaa jaarraa 19ffaati (bara 1850 booda).â€•[2]

Akkuma yeroo ammaa arginu Kiristaanumman ilma namaatiif ibsaa dukkana keessaa itti bahan taâ€™uu hin dandaâ€™u. Sababni isaas, hundee fi buâ€™uurri amanti diigamee fi wal dhayee jira. Hundeen amantii Rabbii Tokkicha gabbaruu fi Isatti waa qindeessu dhiisudha. Kiristaana keessa waaâ€™ee Rabbii, Tokkichummaa Isaa fi amaloota Isaa ilaalchise wanti ifaa hin jiru. Wanta namaaf hin gallee fi sammuu namsaa dhamaasutu keessa guute. Namni haala sirrii taâ€™een Rabbii isa uumee yoo hin beekinii fi itti hin amanin akkamitti dukkana keessaa ifatti bahuu dandaâ€™aa? â€œRabbiin Goofaadha, Iyyasusis gooftaadha, Gabraâ€™elis gooftaadha, garuu hundi isaanitu tokkoâ€•yommuu jedhan, kuni sammuu namsaa hin dhamaasu? Kuni uumama Rabbiin ilma namsaa irratti uumee fi sammuu sirrii waliin deemu waan hin dandeenyef yaanni silaase kijiba taâ€™uun ifaan ifatti beekkama. Garuu akkamitti kiristaanonni kijiba ifa bahe kana akka dhugaatti ilaalun itti amananii? â€œAfalaa yaâ€™aqiluun (sila hin hubatanii)?â€• Rabbiin subhaanahu wa taâ€™aalaa ni jedha:



â€œGabbaramaan keessan Gabbaramaa tokkicha. Isa malee haqaan gabbaramaan hin jiru, [Inni] akkaan mararfataa, rahmataa godhaadha.â€• Suuratu Al-Baqarah 2:163

Kana jechuun Gooftaan keessan Gooftaa Tokkicha. Inni hiriyyaa, gargaaraa, fakkaataa fi dorgomaa hin qabu. Dhugaan kan sodaatamu, jaallatamu, garmalee kabajamu, sagadamuufi qabu, waa hundaa irraa kadhatanii fi kajeelan Isa malee hin jiru. Iyyasuus gooftaa miti. Sababni isaas, Iyyasuus (nageenyi isarratti haa jiraatu) ilma namsaa waan taâ€™eef nama fakkaata, dachii fi samii hin uumne, mataa isaatinu uumamaadha. Uumamaan Uumaa waan hundaa uumuu taâ€™uu dandaâ€™aa? Makhluuqni (Uumamni) dachii fi samii booda uumame uumaa ykn gooftaa samii fi dachii taâ€™uu dandaâ€™aa? Kanaafu, Rabbiin Gooftaa keessan Tokkicha kan taâ€™eedha. Fakkaataa hin qabu, dachii, samii fi wantoota isaan keessa jiran hundaa kan uumeda. â€œIyyasuus gooftaadhaâ€•yoo jettan, mee wanta Iyyasuus uumee nutti agarsiisaa? Samii, dachii fi ilmaan namsaa uumee jiraa? Rabbiin waliin uumee jira yoo jettan,

Rabbiin Tokkicha gargaaraa, fakkaataa fi hiriyyaa kan hin qabneedha. Qurâ€™aana keessatti: **â€œJedhi â€˜Faaruun Kan Rabbi ilma hin godhatiniiti, Kan mootummaa keessatti shariika (hirmaataa) hin qabnee fi dadhabbinna irraa kaâ€™e gargaaraan kan Isaaf hin jirreeti.** **â€™ Guddisu Isa guddisi.** **â€** Suuratu Al-Isra 17:111 (Rabbiin shariika Isa waliin qooda fudhatuu fi gargaaraa Isa gargaaru hin qabu. Inni waan hundaa irratti Dandaâ€™aadha. Guddisu Isa guddisi-jechuun amaloota gaggaarii Isaa beeksisuu fi maqaalee Isaa gaggaariin Isa faarsun kabaja guddaan Isa kabaji.) Wanta kaafironni jedhan irraa Rabbiin qulqullaaâ€™e oltaâ€™e.

3-Majuusaa-Jalqaba jaarraa 6faa irraa eegalee amantin Majuusaaa jedhamu kan babalâ€™ateedha. Majuusaan wantoota uumamaa keessumayyuu ibidda waaqefachuun beekkamu. Manneen ibiddi itti waaqefatamu bakka adda addaatti iijaarramanii jiru. Manneen kanniin keessatti namoonni ni sagadu, qajeelfama jabaa hordofu. Garuu alatti waan fedhan hojjatu. Kanaafu, isaanii fi namoota amanti hin qabne jidduu garaagarummaan homaatu hin jiru jechuudha. Itti gaafatamtoonni Majuusaa guyyaatti siâ€™a afur aduu waaqefachuun isaan irratti dirqama godhame ture. Kanarratti dabalate addeessa, ibiddaa fi bishaan waaqefatu. Ibiddi gonkumaa akka hin bannee fi bishaaniin wal tuquu irraa akka eegan dirqamni isaan irra kaaâ€™ame.

Majuusaan Iraan yommuu sagadan gara ibiddaa garagalu. Mootiin dhumaa Yazdajird jedhamu gaafa tokko aduun kakatee akkana jedhe, **â€œAni Aduu gooftaa guddaa taaten kakadha.** **â€ Hordoftoonnis dhugaa isaanii mulâ€™isuuf aduu waaqefatu.** Wanti Majuusaa jaarraa fi gadaa hunda keessatti tokko godhu, gooftota lamatti amanuudha. 1ffaa- Ifa ykn gooftaa kheeyri, 2ffaan immoo **â€œDukkanaâ€ ykn gooftaa sharriiti.**

4-Budihizimâ€“ Amantiin kuni immoo Hindi fi jiddu gala Eeshiyaatti hordofamaa ture. Hordoftoonni Budihizim iddo deeman hundatti taabota baadhatanii deemu. Iddoo kamuu yoo qubatan siidaa ni hojjatu, fakkii ni kaasu.

5-Barhamanizim-Amanti Hindi isa duraaniti. Amantin Barhamizim hundee amanti Hinduâ€™izimiti. Wantoota waaqefatan baayâ€™ee qabaachun amanti beekkamedha. Shakkii tokko malee Hinduâ€™izimi fi Budihizimin amanti taabotaati. Wantoota baayâ€™ee gabbaru (waaqefatu).


6- Jaahiliyyah Arabaaâ€“ Arabbooni gadaa durii amanti Ibraahimitti amananii fi lafa isaanii keessa Manni Rabbii qulqulluun dhaabbate, yeroo Nabiyyiin (SAW) ergamuuf hedutti taabota (sanama) waaqefachun qoramanii jiru. Sababni isaas, gadaan isaanii gadaa nabiyyummaa irraa waan fagaatef. Arabiya keessatti sanamni garmalee baayâ€™ate. Shirkii keessatti ol deemun Rabbii gaditti gabbarama baayâ€™ee godhatan. Gosni hundi sanama ofii qabu. Inumaa hanga manni hundi sanama gabbaru godhatan gahan. Kaâ€™abaa keessaa fi naannaawa ishiitti gara sanama 360 ture. Dhagaa filatanii waaqefatu, urjiilee, Malaykootaa fi Jinnootas ni waaqefatu turan.

Naannawa Nabiyyin (SAW) ergamuuf hedutti namoonni addunyaala galaana taabota gabbaruu keessatti taranii jiru. Miseensi amantii hundaa-Kiristaanumma, Yahuudaa, Budihizm, Barhama fi Jaahiliyyah Arabaa- kamtu irra taabota akka qulqulleessu fi ol guddisu arguuf waan wal dorgomaa turan fakkaatu. Akka waan dirree farda gulufsiisan irratti wal dorgomaniiti.

Ergamaan Rabbii (SAW) babalâ€™inna wallaalumma yeroo sanii gaafa tokko dubbii isaanii keessatti akkana jechuun ibsan:

â€œDhagayaa! Gooftaan kiyya wanta harâ€™a kana na barsiise irraa wanta isin wallaaltan akka isin barsiisu na ajaje jira: **Qabeenyi hundi Ani gabrichaaf kenne halaala. Gabroota Kiyya hundaa hunafaaâ€™a gochuun uume.** (Hunafaaâ€™a jechuun uumamaan gara Rabbii Tokkicha gabbaruutti qajeelu fi shirkii irraa fagaachudha.) **Garuu sheyxaanoni itti dhufanii amantii sirrii isaanii irra dabsan, wanta isaaniif halaala godhe haraama isaan irratti godhan. Wanta Ani ragaa irratti hin buufne akka Natti shaarrakan (qindeessan) [sheyxaanoni namoota] ni ajajan.** â€• Rabbiin gara namoota dachii keessa jiranii ni ilaale. Arabaa fi Araba kan hin taane hundaa ni jibbe, haftee warra kitaabaa keessaa malee. (hafteen warra kitaaba kunniin warra Tokkichumma Rabbitti amananii fi Isa qofa gabbaranidha.)â€• ([Sahih Muslim 2865](#))

Hadiisni kuni dhalli namaa karaa adda addaatin akka jallatee fi karaa sirrii irraa akka bahe agarsiisa. Kan akka Rabbiin waliin waan biraan gabbaruu, shariâ€™aa Isaa achi darbuu, fooyyessitoonni amantii samii irraa buâ€™anii baduu fi ummata jallinna keessatti dhiisudha. Kanaafu, hadiisa armaan olii irraa Islaamni amanti haqaa ilmaan namaa hundi irratti uumaman akka taâ€™ee fi amantiwwan biroo baaxila akka taâ€™an hubanna. Sababni isaas, Islaamni amanti Rabbi tokkicha gabbaru irratti ijaarramee fi shirkii (Rabbitiin waliin waan biraan gabbaruu) garmalee dhoowwudha. Amantiwwan biroo immoo Rabbii gaditti waan biraan gabbaru irratti waan hundeefamaniif baaxila. Baaxila jechuun wanta dhugaa (haqa) irratti hin hundeefamnee fi faayda hin qabneedha. Rabbitiin qofa gabbaruun (tawhiinni) haqa hundarra caaludha. Rabbitiin ala waan biraan gabbaruun (shirkiin) immoo baaxila baaxiloota hundaa caalaa badaa taâ€™eedha.



â€œJedhi, â€˜Haqni dhufe, baaxilli dhabame. Dhugumatti baaxilli dhabamaa taâ€™eera.â€•
Suuratu Al-Israa 17:81

[1] [Siiratu Nabawi](#)â€“ fuula 60, Abul Hasan Nadawi

[2] Madda olii-61

[As-Siiratu Nabawiyati](#)â€“fuula 15-18, Alii Muhammad Sallaabi [Arabic]

[Noble Life of The Prophet](#) [English] 1/25-28

Date Created

August 8, 2019

Author

admin